

2.
Q. F. F. Q. S.

THESES PHILOSOPHICÆ,

QUAS,

*Suffragante Ampliss. Senat. Philosoph. in Regia Aca-
demia Aboënsi,*

Sub PRÆSIDIO

VIRI Maxime Reverendi atque Celeberrimi,

D:NI WILHELMI ROB.

NÅÅF,

Poës. PROFES. Reg. & Extraord.

Pro GRADU

Publicæ Ventilationi submittit


ANDREAS TIMBERG,

WESTRO-GOTHUS,

DIE XIX. MAJ. ANNI MDCCLX.

L. H. A. M. S.

ABOÆ, Impressit Direct. & Typogr. Reg. Magn. Due.
Finland. JACOB MERCKELL.



THESSIS I.

Systema philosophiæ recentioris qui paullo sagaciōri perlustraverit animo, is, sicubi alias, hic certe, multa animadvertiset, quæ cum libertate mentis humanæ, vel plane non, vel non nisi adhibita interpretatione plus quam liberali, in concordiam redigi possint.

THES. II.

IN repræsentatione omnium mundorum possibilium qui primum & adæquatum de DEO conceptum se invenisse gloriantur, næ illi, si quid ego judico, in inani subtilitate nescio quam quærunt laureolam.

THES. III.

SEntentia Leibnitii, Theodic. §. 19: *Malum comparatum bono, pro nibilo haberī posse,*

*se, si vera Civitatis DEI magnitudo perpendatur,
durior est, quam ut assensum impetrare
queat.*

THES. IV.

SI quis etiam, quam idem illustris Vir de permissione mali sovet doctrinam, vid. Hanschii Theor. Metaphys. XXXII ex Phil. Leib. tanto philosopho prorsus indignam judicaverit, æquior esse volo, quam ut illud ægre feram. Præterquam enim quod arbitrarie conficta sit omniq[ue] destituta fundamento, justitiam pariter ac sanctitatem DEI, quicquid argutetur Bilfingerus de Orig. & permis. mali §. 422, adeo adversa petit fronte, ut nihil supra.

THES. V.

A Pud æquos rerum æstimatores ut fir-
mum omnino & inconcussum manet,
facta, sub conditione nunquam implenda ad
existentiam transitura, nec præmium, nec
pœnam mereri; ita frustra sunt, inque sum-
mas difficultates, sine emergendi spe, dan-
tur præcipites, qui ad ductum Reuschii, &,
qui nuper ipsi pollicem pressit, Car. Goth.

Mulleri, peccatum Adamiticum ex scientia
DEI media nobis imputari, dictitant.

THES. VI.

SAtis quandoquidem numerosa est eorum phalanx, qui doctrinam de resuscitatione mortuorum, quam Sacra Oracula delineant, tanquam absurdam rident, variisque cavillationibus vexant; laude sua haudquam fraudandos censemus, qui contra id genus homines, seposita revelationis face, divini hujus actus possibilitatem vindicant, solide probantes, conceptu ejus nihil omnino contineri, quod veritates, lumine naturæ cognitas, convellat infirmetque. At longius qui progrediuntur, & cum *Stiebritzio*, aliisque earundem partium, futuram olim restitutionem vitæ, morte corporum amissæ, ex ratione, sibi relictæ, demonstrandam suscipiunt, eorum operam pro ihani merito reputamus.

THES. VII.

ARtes politiores scientiasque in universum omnes, tanquam generi humano noxias morumque corruptrices, eo siquidem succelsu

35

successu redarguit Vir ille ingeniosissimus
Joh. Rousseau, ut ab inclita Academia Di-
vionensi amplissimum reportaret præmium;
fallor, an verius quidquam de eo dici pos-
sit, quam quod rem pessimam optime ege-
rit.

THES. VIII.

Qui, præeunte Wolfio, nescio quo prætex-
tu sibi aliisque fidem facere conantur,
legem naturæ adeo abstracte tractandam es-
se, ut ab Atheis recipi queat, aut lusu
verborum fumum gerrasque Siculas yen-
dunt, aut doctrinam morum ita institui vo-
lunt, ac si tantum liceret, quantum phi-
lautiæ libuerit.

THES. IX.

NEc magis sobrie philosophatur *Joh. Fac.*
Schmaussius, dum, in *novo suo Juris*
Nat. Systemate, omnes in id intendit ner-
vos, ut instinctibus naturæ, veteribus
περὶ φύσιν dictis, moralitatem actionum hu-
manarum metiendam esse, obtineat. Quam-
vis enim explorata sit veritas, hujusmodi
instinctus nobis non frustra inditos esse,

sed in fines ente supremo dignissimos, ipsius videlicet gloriam nostramque perfectiōnem, per quas totum hoc universum est explicabile; juxta tamen fida edoceatur experientia, nos per motiva ab intellectu petitā, posse instinctus istos eo dirigere, ut fines a DEO præfixos exsequantur: posse etiam ex adverso eosdem per motiva sensualia, variis blandimentis condita, ita determinare, ut a dictis finibus immane quantum discrepent. Unde, vel me tacente, res ipsa loquitur, tantum abesse, ut, quos nobis natura insevit, impetus stimulique, tanquam basis & fundamentum, doctrinæ Juris Naturæ substerni debeant, ut regula potius, ad quam dirigantur, magnopere opus habeant.

THES. X.

Sicut Lex naturæ nos ad unum omnes nostræ nunquam satis deplorandæ, & connatis viribus ineluctabilis, miseriæ convincit, convictisque occasionem subministrat investigandi sanctiorem viam salutis, post fata obtinendæ; ita, finem juris Naturæ ambitu

bitu hujus vitæ adeo non includi, ut ad futuram se potius extendat, contra Pufendorfium recte monet Leibnitius.

THES. XI.

PAtriam si quis a totali exitio, vel gravi saltem discrimine, servare valeat, in hoc vel cum vitæ periculo ipsi elaborandum esse tuto asserimus; nec illis adversi, qui innoxium civem, ubi instar victimæ publicæ ab hoste, civitati durissima quævis minitante, depositur, ad se dedendum certaque mortem oppetendam, ex principiis justi neutiquam teneri, contendunt. Inter utramque enim sententiam qui pugnam aliquam comminiscuntur, opinione præjudicata certissime laborant.

THES. XII.

REglas prudentiæ, quas sanior subministrat Politica, veritates esse, easdemque certas & demonstrabiles, nemo ut, nisi præcipiti judicandi vitio plane abreptus, facile inficias iverit: ita nec diffitendum, in applicatione earundem, absque imprudentiæ nota, errorem committi posse; idque tum

tum demum maxime, ubi intervenierint causas, quorum certa & infallibilis præsensio finitæ mentis aciem longe superat. Vulgatum igitur illud Cardinalis Richelii: *Ab imprudenti infelix non nisi nomine differt*, hyperbolam magis, quam nudam sapit veritatem.

THES. XIII.

AN fideli cum infidelibus, duriori urgence necessitatis telo, foedera inire licet, operosius alii discutiant; mihi vero fortasse ignosci poterit, si absque scrupulo in eorum transirem castra, qui a veræ religionis extorre in tuto collocari, quam Christiano in prædam cedere, præoptant.

THES. XIV.

VANAM omnino & ineptam operam sumunt, qui cum auctore libri, cui titulus: *L' Esprit des loix*, peccata vulgo gentilium dicta, per humorum temperiem, influxum climatis, & id genus alia, excusare nituntur. Etiamsi enim in promtu sint exempla, quæ inclinationes, ex his fontibus dimanantes, ad mores formandos mirum quantum conferre, probent; easdem tamen,

tamen, occulta quadam vi, hominem in calles & præcipitia vitiorum adeo non abripere, ut iusta potius adhibita industria, rationem haud gravate moderatricem agnoscant dominamque, vel sola convincit experientia interna, ita evidens, ut in dubium vocari nequeat, quin magnopere reclamat.

THES. XV.

MOrationibus olim populis in usu fuisse novimus, ut quotiescumque civium aliquis, vel partium favore, vel divitiis, vel alia quavis ratione, communem sortem excedere, & gloriolam præ cæteris consequi videretur, eum, tanquam securitati publicæ noxiū, ad determinatum tempus in exilium mitterent. Nec diffitemur, summo imperanti magnopere cavendum esse, ne auctoritas cujusquam privati usque eo excrescat, ut reipublicæ formidabilis evadat, eidemque pericula impune creare possit. At eximiæ virtutis virum, nullam aliam obcaussam, quam prævalentem potentiam & insignem existimationem, patria fortunisque

expellere, id vero non tantum justitiae, sed
& prudentiae regulis immane quantum re-
pugnat.

THES. XVI.

Quænam regiminis forma alteri præferri
debeat, inter se digradientur, quibus
volupe sit, modo meminerint, in errore
civem versari gravissimo, nisi pro ea, tan-
quam optima, calculum posuerit, quam
sartam rectamque se habiturum esse,
sancte promiserit.

